

45/25

**Bosna i Hercegovina  
Federacija Bosne i Hercegovine  
GRAD ZENICA**

**Služba za socijalnu zaštitu, stambene poslove i društvene djelatnosti  
Trg BiH 6 - 72 000 Zenica**

Broj: 07-11-555/25  
Zenica: 22.05.2025. godine

**STRUČNA SLUŽBA GRADSKOG VIJEĆA**

**PREDMET:** Stav Službe, Izvještaj o radu JU Apoteka „Zdravlje“ za 2024. godinu,  
- dostavlja se ;

Javna ustanova Apoteka „Zdravlje“ Zenica organizovana je na osnovu Odluke o organizovanju Javne ustanove Apoteka „Zdravlje“ Zenica („Službene novine Općine Zenica“, br.:4/98), a koju je donijelo Vijeće Općine Zenica u skladu sa Zakonom.

JU Apoteka „Zdravlje“ Zenica djeluje u kompleksnim uslovima specifičnosti pružanja zdravstvene usluge farmaceuta, gdje nastoji zadovoljiti potrebe pacijenata i korisnika usluga sa jedne strane, te osnivača s druge strane.

JU Apoteka „Zdravlje“ Zenica osim što pruža kvalitetnu farmaceutsku uslugu u urbanom području, tako što je ostvaruje kroz rad osam apoteka, isto tako pruža usluge i u ruralnim područjima kroz rad četiri depoa. U toku 2024. godine usluga u ruralnom području je dostupna jedino kroz rad jednog depoa (depo Arnauti). Time je usluga farmaceuta značajno približena specifičnim potrebama stanovnika ruralnih područja, a što na još jedan način određuje društveno-odgovornu liniju Ustanove. Javna Ustanova Apoteka Zdravlje Zenica je ugovorna apoteka, odnosno pripada integralnom informacionom sistemu Zavoda zdravstvenog osiguranja Zeničko-dobojskog kantona. Promet lijekova sa esencijalne liste se provodi kroz aplikaciju e-Apoteka, kroz koju se vrši i obračun kao osnov za fakturisanje prema Zavodu.

U sklopu apoteke Mr. Weiss, nalazi se i laboratorij koji omogućava izradu magistralnih pripravaka prema važećoj Farmakopeji, Formulama magistralis ili po receptu doktora. Pored navedenog, u sklopu JU Apoteka „Zdravlje“ Zenica nalazi se i Galenski laboratorij Zenica.

Izvještaj o radu JU Apoteka „Zdravlje“ Zenica za period 01.01. do 31.12.2024. godine, urađen je na bazi podataka i pokazatelja i oslikava stanje u ovoj Ustanovi s aspekta njenog rada i poslovanja.

Grad Zenica je izdvojio 100.000,00 KM na godišnjem nivou za sufinansiranje dežurstva u apoteci „Mr. Weiss“.

Uslovi poslovanja Apoteke i uslovi snabdijevanja stanovništva lijekovima, u ključnim faktorima koji to određuju su izvan uticaja ove Ustanove, a navedeni su u ovom Izvještaju, kao i u izvještajima prethodnih godina.

Galenski laboratorij kao strukturni, organizacioni dio JU Apoteka Zdravlje Zenica ima značajnu ulogu u radu i poslovanju JU Apoteka Zdravlje Zenica.

Prihod od prodaje proizvoda Galenskog laboratorija po apotekama ostvaren je u iznosu od **318.183,00 KM** što predstavlja povećanje prihoda za 24.119,00 KM (8,20%) u odnosu na 2023. godinu.

U 2024. godini realizovani broj recepata povećan je u odnosu na 2023. godinu te je ostvareno povećanje prihoda po osnovu fakturisanje realizacije esencijalne liste.

Prihodi od fakturisanja Galenskog laboratorija vanjskim kupcima u iznosu od **7.204,00 KM** u odnosu na 2023. godinu su povećani za 385,00 KM (5,65 %).

Prihodi po osnovu ručne prodaje po apotekama ostvaren je u iznosu 4.621.861,00 KM što predstavlja povećanje prihoda za **592.017,00 KM** (14,70 %) u odnosu na 2023. godinu.

Prihodi po osnovu realizacije prema Zavodu zdravstvenog osiguranja iznosili su **1.749.541,00 KM** što predstavlja povećanje u odnosu na 2023. godinu za 110.945,00 KM. (6,80 %).

Prihodi po osnovu realizacije usluga po ostvarenom receptu veći su u odnosu na 2023. godinu za 15.196,00 KM (6,60%) i iznose **245.363,00 KM**.

Javna ustanova Apoteka „Zdravlje“ Zenica u svojim finansijskim izvještajima za 2024. godinu iskazala je sljedeće vrijednosti:

- ukupan prihod za 2024. godinu **7.567.959,00 KM**

-prosječna vrijednost poslovne imovine (aktive) **2.603.365,00 KM**

Na osnovu navedenog, Ustanova se svrstava u grupu malih pravnih lica.

Ukupno ostvareni prihodi u 2024. godini iznose **7.567.959,00 KM**.

Ukupno ostvareni rashodi u 2024. godini iznose **7.772.166,00 KM**.

Na osnovu ostvarenih prihoda u 2024. godini (7.567.959,00 KM) i rashoda (7.772.166,00 KM), u izvještajnom periodu iskazan je bruto **gubitak** u iznosu od 204.207,00 KM.

U 2024. godini evidentirano je smanjenje obaveza i potraživanja, koje i dalje ukazuje na probleme u likvidnosti.

U protekloj godini u Ustanovi je bilo **41** zaposlenih, od čega 23 VSS, 14 SSS, 4 NS.

Tokom izvještajnog perioda po osnovu sporazumnog raskida radnog odnosa iz JU Apoteka „Zdravlje“ Zenica otišlo je šest radnika te jedna magistra farmacije je otišla u starosnu penziju. Tokom 2024. godine zaposleno je pet radnika, četiri na neodređeno radno vrijeme i jedan radnik na određeno radno vrijeme.

Visina kapitala JU Apoteka „Zdravlje“ Zenica je gubitak iznad visine kapitala, koji je na dan 31.12.2024. godine iznosio 1.953.641,00 KM.

Gradsko vijeće Grada Zenica kao Osnivač ove Ustanove razmatralo je aktuelnu problematiku u JU Apoteke „Zdravlje“ Zenica na tematskoj sjednici 26.02.2024. godini te konstatovalo da se poduzmu određene radnje za rješavanje aktuelne problematike te da se formira stručni tim od predstavnika menadžmenta i gradske uprave, uz angažman eksperta iz te oblasti koji bi izvršili analizu svih aspekata rada i poslovanja Ustanove te dostavili Gradskom vijeću prijedlog odgovarajućeg rješenja/modela.

Shodno navedenom Stručni tim je 28.06.2024. godine postavio modele rješavanja u vidu Informacije.

Značajnu neizvjesnost u poslovanju u toku 2024. godine Ustanova je pretrpjela radi presude iz 2023. godine na osnovu priznanja duga prema MGM Farm d.o.o što je rezultiralo blokadom računa ove Ustanove. Također, Ustanova je u toku 2024. godine zaprimila opomene pred tužbu od strane ostalih većih dobavljača, a to su: Farmavita d.o.o u iznosu od **264.200,34 KM**, Tuzlafarm d.o.o u iznosu od **852.146,29 KM** i Medimpex d.o.o u iznosu od **547.649,76 KM**.

Posebnu otežavajuću okolnost za rad ove Ustanove predstavlja primjena kolektivnog ugovora za oblast zdravstva te je Ustanova na ime razlike plaća po osnovu pomenutog Ugovora prema radnicima isplatila ukupan neto iznos od cca **568.029,00 KM**.

Pred Općinskim sudom u Zenici trenutno se aktivno vode 6 sudskih postupaka iz radnih sporova u kojima je tužena strana JU Apoteke „Zdravlje“ Zenica.  
Shodno navedenom, izvršena je rezervacija sredstava na ime plata, poreza i doprinosa za 2024.godinu u iznosu od **366.707,56 KM**.

Upravni odbor je 25.02.2022. godine imenovao Mirsadu Strika za direktoricu JU Apoteke "Zdravlje". Direktorica je zajedno sa Upravnim odborom uspjela smanjiti zatečene zalihe roba apotekama, zajedno sa svim uposlenicima stavljen je veliki fokus na prodaju lijekova koji su se nalazili na lageru, a smanjena narudžba lijekova koji nisu potrebni, te su vršeni stalni pregovori sa dobavljačima s obzirom na dugove koji su nastali prema dobavljačima.  
Direktorica je u nekoliko navrata podnosila ostavku na mjesto direktora ustanove što Upravni odbor nije prihvatio iz razloga što ne postoji adekvatna zamjena u Ustanovi te bi dovelo do toga da Ustanovom nema ko rukovoditi.  
Upravni odbor je ocijenio da je direktorica Ustanove uspješno rukovodila radom Ustanove u 2024. godini i shodno tome joj dao pozitivnu ocjenu.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU Apoteka „Zdravlje“ Zenica za 2024. godinu na razmatranje anje.

**PRILOZI:**

1. Izvještaj o radu JU Apoteka „Zdravlje“ Zenica za 2024.godinu;
2. Finansijski izvještaji za 2024. godinu sa Izvještajem ovlaštenog revizora;
3. Plan rada i finansijski plan poslovanja za 2025. godinu;
4. Odluka o usvajanju Izvještaja o radu JU Apoteka „Zdravlje“ Zenica za 2024. godinu;
5. Odluka o usvajanju Plana rada i finansijskog plana JU Apoteka „Zdravlje“ Zenica za 2025.godinu;
6. Odluka o usvajanju obračuna JU Apoteka „Zdravlje“ Zenica za period 01/01/2024. godine od 31/12/2024.godine sa poslovnim rezultatom;

**DOSTAVLJENO:**

1 x Naslov  
1 x a/a

